



Na osnovu člana 3. stav 3. Zakona o budžetima Federacije Bosne i Hercegovine („Službene novine Federacije BiH“, broj 19/06), člana 22. stav 2. Zakona o izvršavanju Budžeta Kantona Sarajevo („Službene novine Kantona Sarajevo“, broj 33/11), a u vezi sa članom 135. stav 1. tačka 8. Zakona o zaštiti od požara i vatrogastvu („Službene novine Federacije BiH“, broj 64/09) i Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj: 33/11), a u cilju zakonitog i transparentnog trošenja budžetskih sredstava, direktor, objavljuje

JAVNI POZIV

za finansiranje/sufinsiranje programa i projekata neprofitnih organizacija i udruženja iz oblasti zaštite od požara sredstvima Budžeta Kantona Sarajevo za 2012. godinu, razdjel Kantonalna uprava civilne zaštite

PREDMET JAVNOG POZIVA

Predmet Javnog poziva je dodjela sredstava iz Budžeta kantona Sarajevo za 2012. godinu –razdjel Kantonalna uprava civilne zaštite neprofitnim organizacijama i udruženjima čiji su projekti, programi i aktivnosti iz oblasti zaštite od požara, a od interesa su za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo.

PRAVO UČESTVOVANJA

Na osnovu Javnog poziva pravo učestvovanja i pravo na dodjelu sredstava imaju registrovana udruženja i fondacije, čiji su projekti, programi i aktivnosti iz oblasti zaštite od požara a koja ispunjavaju opšte i posebne kriterije.

KRITERIJI ZA DODJELU SREDSTAVA

Opšti kriteriji:

1. registracija udruženja na bilo kojem nivou vlasti u Bosni i Hercegovini;
2. realizacija projekata udruženja koja su od interesa za građane Kantona Sarajevo ili doprinose razvoju ili afirmaciji Kantona i provode se na području Kantona Sarajevo;
3. ekonomska ili društvena opravdanost projekta koje udruženje predlaže i sprovodi;
4. program rada za 2012. godinu sa obrazloženjem;
5. finansijski plan za 2012. godinu;
6. izvještaj o urednom finansijskom poslovanju (bilans stanja i bilans uspjeha i narativni izvještaj za period 2011. godinu);
7. organiziranost i broj članova udruženja;
8. broj lica koja učestvuju u realizaciji projekta;
9. specifičnost potreba članova udruženja odnosno populacije koju zastupaju;
10. rezultati i uspjesi na kantonalnom, federalnom, državnom i međunarodnom nivou odnosno broj korisnika obuhvaćenih projektom.

Posebni kriteriji:

Projekti zaštite od požara mogu se odnositi na samostalno gašenje požara i ispomoc prilikom gašenja požara, edukaciju mladih kadrova iz oblasti zaštite od požara, organizovanje i učešće u vatrogasnim takmičenjima u Kantonu Sarajevo.

POTREBNA DOKUMENTACIJA

Dokumentacija koju je potrebno dostaviti:

- popunjeni obrazac za aplikaciju za finansiranje/sufinansiranje projekata koji sadrži: naziv projekta, opis problema /potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet,
- rješenje o registraciji,
- uvjerenje o poreskoj registraciji-identifikacioni broj,
- uvjerenje o izmirenim poreskim obavezama,
- uvjerenje o izmirenim porezima i doprinosima za uposlenike (udruženje koje nema zaposlenih i neizmirenih obaveza može dostaviti ovjerenu izjavu kojom to potvrđuje).
- bilans stanja i bilans uspjeha ovjereni od strane nadležne institucije za 2011.godinu,
- finansijski plan i program rada za 2012. godinu,
- finansijski izvještaj za 2011. godinu.

Osim navedene dokumentacije udruženja su dužna dostaviti dokaze o ispunjavanju

ostalih općih i posebnih kriterija.

NAPOMENA:

Ocjenu i rangiranje prijava pristiglih na ovaj javni poziv vršit će Komisija koju imenuje Direktor Kantonalne uprave civilne zaštite.

PODNOŠENJE PRIJAVA

Prijava na javni poziv se podnosi u pisanoj formi na Obrascu za prijavu projekata za finansiranje/sufinansiranje iz budžeta Kantona Sarajevo, sa dokazima o ispunjavanju opštih i posebnih kriterija, a isti se može preuzeti u prostorijama Kantonalne uprave civilne zaštite, ul. Hamida Dizdara broj 1, Sarajevo, i na web stranici Kantona Sarajevo.

Prijave se dostavljaju u zatvorenoj koverti.

Prijave se dostavljaju u prostorije Kantonalne uprave civilne zaštite na adresu: Hamida Dizdara broj 1, Sarajevo, sa naznakom „Prijava na javni poziv za finansiranje/sufinansiranje rada neprofitnih organizacija i udruženja – ne otvaraj“.

Rok za podnošenje prijava je osam dana od dana objavljivanja javnog poziva.

Nepotpune i neblagovremeno podnešene prijave neće se razmatrati.